

გამოსცდამი მოქმედების წესები ყველა გამოსაცდელის უფლებებისა და ინტერესების დაცვას ემსახურება. ამ წესებით უზრუნველყოფილია სექტორში სამუშაო პირობების შექმნა და პროცესის სამართლიანად და ობიექტურად წარმართვა.

- გაითვალისწინეთ, რომ სამუშაო მაგიდაზე არ უნდა დააწყოთ არც ერთი ნივთი, გარდა იმ ნივთებისა, რომლებიც გამოსცდის დაწყებამდე დაგირიგდათ. წყალი პლასტმასის ბოთლით შეგიძლიათ დადგათ იატაკზე;
- პასუხების ფურცელს დაკვირვებით გადახედეთ კურატორთან ან მეთვალყურესთან ერთად, რათა დარწმუნდეთ, რომ ის დაუზიანებელია, რის შემდეგაც სექტორის უწყისში მოაწეროთ ხელს დაუზიანებელი პასუხების ფურცლის მიღების თაობაზე (ხარვეზიანი პასუხების ფურცელი შეიცვლება);
- პასუხების ფურცელზე კურატორის ან მეთვალყურის მიერ დაკრული შტრიხკოდის ნომერი თავად გადაიტანეთ სექტორის უწყისის შესაბამის გრაფაში;
- კურატორს ან მეთვალყურეს მხოლოდ ხელის აწევით შეგიძლიათ მიმართოთ;
- ტესტზე მუშაობის დაწყება შეიძლება მხოლოდ მას შემდეგ, რაც მეთვალყურე ან კურატორი მოგცემთ მითითებას და დაიწყება საგამოცდო დროის ათვლა;
- თუ დროზე ადრე დაასრულებთ ტესტზე მუშაობას და პასუხების ფურცლის შევსებას, ხელის აწევით ანიშნეთ მეთვალყურეს ან კურატორს, რომლებსაც დადგენილი წესით ჩააბარებთ შავი სამუშაოსათვის განკუთვნილ ფურცელსა და პასუხების ფურცელს, რასაც დაადასტურებთ უწყისში ხელმოწერით და მხოლოდ ამის შემდეგ დატოვებთ საგამოცდო სექტორს;
- გამოსცდის დასრულებამდე 10 წუთით ადრე მეთვალყურე ან კურატორი შეგახსენებთ დროს, რათა დროულად დაასრულოთ ტესტზე მუშაობა;
- დრო არავის დაემატება (გარდა იმ პირებისა, რომლებსაც სამედიცინო ცნობით დადასტურებული ფუნქციონალური დარღვევები აქვთ).

## გამოსაცდელი გაფრთხილებას მიიღებს შემდეგ შემთხვევებში:

- კურატორის ან მეთვალყურისათვის ტესტის შინაარსთან დაკავშირებული კითხვების დასმა;
- საგამოცდო პროცესის დროს საუბარი, ერთმანეთთან გადალაპარაკება ან რაიმე ფორმით ერთმანეთის დახმარების მცდელობა;
- მეთვალყურის ან კურატორის მითითებამდე ტესტზე მუშაობის დაწყება;
- საგამოცდო დროის ამოწურვის შემდეგ ტესტზე მუშაობის გაგრძელება;
- სამუშაო ადგილის უნებართვოდ დატოვება;
- ნებადართული ნივთების გარდა, სამუშაო მაგიდაზე სხვა ნივთების აღმოჩენა;
- პასუხების ფურცლის შესვსებად, ცენტრის ან ცენტრის მიერ ნებადართული კალმის გარდა, სხვა კალმის გამოყენება;
- პასუხების ფურცელზე მაიდენტიფიცირებელი ნიშნის (სახელი, ნომერი, მისამართი და სხვ.) ან რაიმე სახის ისეთი გრაფიკული გამოსახულების (ფიგურა, წარწერა და ა. შ.) დატანა, რომელიც დაკავშირებული არ არის ტესტურ დავალებასთან.

ერთი გაფრთხილების შემდეგ იმავე ან ნებისმიერი სხვა დარღვევის განმეორების შემთხვევაში გამოსაცდელი მოიხსნება გამოცდიდან.

## გამოცდიდან გაფრთხილების გარეშე მოიხსნება პირი:

- ლექსიკონის, მობილური ტელეფონის, კალკულატორის ან სხვა ელექტრონული ხელსაწყო (მათ შორის საათის) გამოსცდამი შეტანისა და მათი თუნდაც გამორთულ მდგომარეობაში აღმოჩენის შემთხვევაში;
  - დამხმარე მასალის გამოყენების ან აღმოჩენის შემთხვევაში;
  - წესრიგის უხეში დარღვევის, აგრეთვე, საგამოცდო პროცესში მონაწილე პირის შეურაცხყოფის ან ამის მსგავს შემთხვევაში;
  - ალკოჰოლის, ნარკოტიკული ან ფსიქოტროპული ნივთიერებების ზემოქმედების ქვეშ ყოფნის შემთხვევაში.
- გამოსაცდელი უნდა დაემორჩილოს გამოსცდის კურატორის, მეთვალყურის ან სხვა პასუხისმგებელი პირის გადაწყვეტილებას, მათ შორის, გამოცდიდან მოხსნის შესახებ.

- საგამოცდო პროცესის მონაწილე რომელიმე პირის/პირების მიერ დადგენილი პროცედურის დარღვევის შემთხვევაში უფლება გაქვთ იმავე დღეს, 21:00 საათამდე წარმოადგინოთ საპრეტენზიო განაცხადი საგამოცდო ცენტრის შენობაში.

## პასუხების მონიშვნის ინსტრუქცია

- გაითვალისწინეთ, გასწორდება მხოლოდ პასუხების ფურცელი!
- პასუხების ფურცლის გაკეცვა ან დაზიანება დაუშვებელია!

### არჩევითპასუხებიანი პასუხების მონიშვნისას:

- პასუხების ფურცელზე მოძებნეთ დავალების შესაბამისი ნომერი;
- ნომრის ქვეშ იპოვეთ უჯრა, რომელიც თქვენ მიერ არჩეულ პასუხს შეესაბამება;
- დასვით X ნიშანი ამ უჯრაში.

მაგალითად, თუ მე-6 დავალების პასუხად აირჩიეთ პასუხის (ბ) ვარიანტი, მაშინ პასუხების ფურცელზე უნდა მოძებნოთ მე-6 დავალების სვეტი და ამ სვეტში პასუხის (ბ) ვარიანტის შესაბამის უჯრაში დასვით X ნიშანი (იხ. ნიმუში).

თქვენ მიერ არჩეული პასუხის სწორად მონიშვნის ერთადერთი გზაა სათანადო უჯრაში X ნიშნის დასმა. ელექტრონული პროგრამა არ აღიქვამს არც ერთ სხვა აღნიშვნას (მაგალითად, ჰორიზონტალურ ან ვერტიკალურ ხაზებს, შემოხაზულ უჯრას და ა. შ.);

დასაშვებია, რომ X ნიშანი ოდნავ გასცდეს უჯრის საზღვრებს (იხ. ნიმუში), თუმცა არ არის სასურველი იგი იმდენად მცირე იყოს, რომ არ მიდიოდეს უჯრის კუთხეებამდე;

თითოეული დავალების ნომრის შესაბამის სვეტში უნდა მონიშნოთ მხოლოდ ერთი პასუხი ანუ მხოლოდ ერთ უჯრაში დასვით X ნიშანი. თუ სვეტში ერთზე მეტ X ნიშანს დასვამთ, ამ დავალების არც ერთი პასუხი არ ჩაითვლება არჩეულად;

თუ გსურთ პასუხების ფურცელზე მონიშნული პასუხის გადასწორება, მთლიანად გააფერადეთ ის უჯრა, რომელშიც X ნიშანი დასვით და შემდეგ იმავე სვეტში მონიშნეთ პასუხის ახალი ვარიანტი (დასვით X ნიშანი ახალ უჯრაში). ელექტრონული პროგრამა არჩეულ პასუხად მხოლოდ X-ნიშნაინ უჯრას აღიქვამს (იხ. ნიმუში), შესაბამისად, ამის შემდეგ შეუძლებელი გახდება სწორ პასუხად იმ პასუხის არჩევა, რომელიც უკვე გადაასწორეთ (იმ პასუხისა, რომლის შესაბამისი უჯრა უკვე მთლიანად გააფერადეთ).

**ღია დავალებების, კერძოდ, ისეთი დავალებების შესრულებისას, რომელთა პასუხების ფურცელზე ვრცელი პასუხის დაწერა გიწევთ, გთხოვთ გაითვალისწინოთ, რომ:**

- თითოეული პასუხი მისთვის საგანგებოდ გამოყოფილ ადგილას უნდა ჩაწეროთ და იგი არ უნდა გასცდეს ფურცელზე გამოყოფილ არეს;
- არ გასწორდება ის დავალება, რომლის პასუხში მითითებული იქნება სახელი, გვარი ან პიროვნების იდენტიფიცირების სხვა საშუალება;
- შეცდომის დაშვების შემთხვევაში უნდა გადახაზოთ შეცდომა (არავითარ შემთხვევაში არ გამოიყენოთ ფრჩხილები) და პასუხი დაწეროთ გადახაზული სიტყვისა თუ სიტყვების გვერდით ან ზემოთ, როგორც ეს მოცემულია ნიმუშში:

მერაბმა  
მაშინ მერაბმა თქვა...

**გისურვებთ წარმატებას!**

|   | 1 | 2 | 3 | 4 | 5 | 6 | 7 | 8 |
|---|---|---|---|---|---|---|---|---|
| ა | X |   |   | X |   |   |   |   |
| ბ |   | X |   |   |   | X |   | X |
| გ |   |   | X |   |   |   |   |   |
| დ |   |   |   |   | X |   |   |   |
| ე |   |   |   |   |   |   | X |   |